



Zmaja od Bosne 47b,
71000 Sarajevo,
Bosna i Hercegovina



++ 387 (33) 72 14 00
++ 387 (33) 66 88 11



agencija@fba.ba
www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 05-1899-7/25
Sarajevo, 28.05.2025. godine

Na osnovu člana 23. stav (1) tačka r) Zakona o Agenciji za bankarstvo Federacije BiH ("Službene novine Federacije BiH", broj: 75/17), člana 16. stav (1) tačke n) i t) Statuta Agencije za bankarstvo Federacije BiH ("Službene novine Federacije BiH", broj: 3/18), člana 69. st. (1) tač. b) i st. (2) tač. d), člana 70. st. (1), (4) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24) i člana 8. stav (2) tačka d) Pravilnika o uspostavljanju i radu Komisije za javne nabavke („Službeni glasnik BiH“, broj: 103/14 i 49/23) iz Zapisnika o pregledu i ocjeni ponuda broj: 05-1899-6/25 od 27.05.2025. godine, direktor Agencije za bankarstvo Federacije BiH donosi

ODLUKU

o poništenju postupka javne nabavke usluga

Član 1.

Prihvata se preporuka Komisije za provođenje postupka javne nabavke usluga identifikacije ranjivosti i penetracijskog testiranja aplikacija i serverske/mrežne infrastrukture za potrebe Agencije za bankarstvo Federacije BiH, iz Zapisnika broj: 05-1899-6/25 od 27.05.2025. godine, i poništava se predmetni postupak jer nijedna od primljenih ponuda nije prihvatljiva.

Član 2.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđaču koji je učestvovao u postupku javne nabavke, u skladu sa odredbama člana 70. stav (6) i člana 71. stav (1) i (2) Zakona o javnim nabavkama.

Član 3.

Za realizaciju ove Odluke zadužuje se Odjel za opće i kadrovske poslove pri Sektoru zajedničkih funkcija.

Član 4.

Ova Odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke, broj: 05-1899/25 od 01.04.2025. godine, odobreno je provođenje postupka javne nabavke usluga identifikacije ranjivosti i penetracijskog testiranja aplikacija i serverske/mrežne infrastrukture za potrebe Agencije za bankarstvo Federacije BiH. Javna nabavka provedena je putem konkurentskog zahtjeva za dostavu ponuda, uz korištenje kriterija najniže cijene ponude.

U skladu sa članom 35. Zakona o javnim nabavkama, Obavještenje o nabavci broj: 3010-7-2-104-3-45/25 od 24.04.2025.godine objavljeno je na Portalu javnih nabavki (ejn.gov.ba), a sažetak obavještenja o nabavci u „Službenom glasniku BiH“, broj: 27/25 od 09.05.2025.godine. Procijenjena vrijednost javne nabavke utvrđena je u iznosu od 49.000,00 KM bez poreza na dodanu vrijednost (PDV).

Posebnim Rješenjem Ugovornog organa, br. 05-1899-2/25 od 07.05.2025. godine, imenovana je Komisija za javne nabavke kojom su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za ishod postupka javne nabavke.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda broj: 05-1899-6/25 od 27.05.2025. godine, u kojem je konstatovala da je u predmetnom postupku javne nabavke, do krajnjeg roka za prijem ponuda zaprimljena ukupno 1 (jedna) ponuda.

Na osnovu izvršene analize i ocjene primljene ponude u pogledu kvalifikacijskih i cjenovnih uslova postupka javne nabavke, Komisija je utvrdila sljedeće:

- Ponuda ponuđača „INFIGO IS“ d.o.o. Sarajevo odbija se kao neprihvatljiva, obzirom da ista ne ispunjava sve kvalifikacione uslove koji su propisani Tenderskom dokumentacijom te nisu dostavljeni svi dokazi zahtijevani Tenderskom dokumentacijom na propisan način.

Uvažavajući sve navedeno, Komisija je jednoglasno predložila odgovornoj osobi Ugovornog organa da donese Odluku o poništenju predmetnog postupka javne nabavke, shodno članu 69. stav (1) tačka b) i stav (2) tačka d) Zakona o javnim nabavkama, obzirom da zaprimljena ponuda nije prihvatljiva.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.

Uvažavajući naprijed navedeno, primjenom člana 87., člana 69. stav (1) tačka b) i stav (2) tačka d), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Podnosilac žalbe je obavezan platiti naknadu za pokretanje žalbenog postupka u skladu sa članom 108. Zakona.


DIREKTOR
Jasmin Mahmuzić

Dostaviti:

- Sektoru zajedničkih funkcija;
- Ponuđaču u postupku;
- a.a.

